

Pembrokeshire County Council
Cyngor Sir Penfro

Sut i dendro am ein gwaith



Medi 2018

Cynnwys

Sut i Ddod o Hyd i Gyfleoedd Caffael

Tudalen 3

Sut i Dendro neu Fod yn Gyflenwr Cymeradwy

Tudalen 7

Cerdyn Prynu Cymru

Tudalen 9

Atodiad 1 – Cysylltiadau

Tudalen 10

SUT I DDOD O HYD I'N CYFLEOEDD CAFFAEL

Mae ble a sut y mae cyrff yn y sector cyhoeddus yn Sir Benfro'n hysbysebu eu cyfleoedd caffael yn dibynnu ar y math, y gwerth a'r gofynion cyfreithiol am ddyfarnu contractau o'r fath. Sefydlwyd Y Gwasanaeth Caffael Cenedlaethol (GCC) fel cydweithrediad ar draws y sector cyhoeddus er mwyn caffael gwariant cyffredin ac ailadroddus ar gyfer Cymru, ac mae nifer o'n gofynion bellach yn cael eu canfod yn uniongyrchol drwy eu fframweithiau.

Y WEFAN GAFFAEL GENEDLAETHOL -

Caiff yr holl gyfleoedd tendro a gynigir gan y Gwasanaeth Caffael Cenedlaethol eu cyhoeddi ar www.gwerthwchigymru.llyw.cymru. Nid oes angen talu i gofrestru ar y wefan.

Hefyd, gallwch weld rhestr o gyfleoedd caffael sydd ar y gweill gan GCC ar eu gwefan <http://nps.gov.wales>

Caiff cyfleoedd y tu hwnt i fframweithiau GCC eu cyrchu fel a ganlyn:-

- **Cyngor Sir Penfro**
Mae'r Cyngor yn defnyddio www.gwerthwchigymru.llyw.cymru i hysbysebu'r holl gyfleoedd caffael dros £25,000.
- **Bwrdd Iechyd Prifysgol Lleol Hywel Dda**
Ar hyn o bryd, mae'r Bwrdd Iechyd yn defnyddio'r wefan i hysbysebu'r holl gyfleoedd tendro dros £25,000.
- **Parc Cenedlaethol Arfordir Penfro**
Mae'r Parc Cenedlaethol yn defnyddio'r wefan i hysbysebu'r holl gyfleoedd tendro dros £25,000.
- **Coleg Sir Benfro**
Mae'r Coleg yn defnyddio'r wefan i hysbysebu'r holl gyfleoedd tendro dros £20,000 yn ogystal â chyfleoedd â gwerth llai trwy'r cyfleuster Quick Quote ar y wefan.
- **Grŵp Ateb**
Mae Ateb yn defnyddio'r wefan i hysbysebu'r holl gyfleoedd tendro dros £25,000.

CYFARWYDDEB CAFFAEL SECTOR CYHOEDDUS EWROP

Mae caffael yn y sector cyhoeddus yn dibynnu ar y Cyfarwyddbau Caffael Ewropeaidd, sy'n datgan pa brosesau i'w dilyn wrth gaffael Nwyddau, Gwasanaethau a Gweithiau dros drothwy gwerth penodol, sef, ar hyn o bryd, £181,302 ar gyfer Gwasanaethau a Chyflenwadau (neu £118,133 ar gyfer Bwrdd Iechyd Prifysgol Lleol Hywel Dda) a £4,551,414 ar gyfer contractau Gweithiau. Mae gan gontractau â threfn llai manwl drothwy o £615,278. Rhaid i'r holl gontractau hyn gael eu hysbysebu yng Nghyfnodolyn Swyddogol yr Undeb Ewropeaidd (OJEU). Tenders Electronic Daily yw fersiwn ar-lein OJEU ac mae'n cynnwys yr holl hysbysiadau contract sydd uwchlaw trothwyon a hysbysiadau contract yr Undeb Ewropeaidd.

<http://www.tendersdirect.co.uk/Sector/OjeuTenders>

Ar gyfer cyfleoedd nad ydynt yn mynd uwchlaw trothwyon yr Undeb Ewropeaidd, dylai cyflenwyr posibl fod yn ymwybodol y bydd gan bob sefydliad ei reolau a'i reoliadau ei hun sy'n datgan pa brosesau y dylid eu dilyn gan ddibynnu ar amcangyfrif gwerth y caffael. Caiff y rhain eu manylu ar gyfer pob un o'r partneriaid cydweithredol fel a ganlyn:

Cyngor Sir Penfro

1. Contractau nad oes angen eu hysbysebu

Fel rheol, nid yw'r Cyngor yn hysbysebu cyfleoedd contract sydd â gwerth is na £25,000. Fel arfer, cyhoeddir cyfleoedd caffael â gwerth rhwng £5,000 a £24,999 ar borthol e-dendro <https://etenderwales.bravosolution.co.uk> drwy wahoddiad yn unig.

Ar gyfer eitemau gwerth isel, yn enwedig rhai is na £1,000, dull talu dewisol y Cyngor yw Cerdyn Prynu.

2. Contractau y mae angen eu hysbysebu

Caiff cyfleoedd caffael â gwerth rhwng £25,000 a £49,999 eu cyhoeddi'n agored ar www.gwerthwchigymru.llyw.cymru. Mae'r Awdurdod yn hysbysebu cyfleoedd sydd â gwerth amcangyfrifedig o £50k ac uwch yn y Western Telegraph, oni bai y bydd y Cyngor yn pennu nad yw'n debygol y bydd unrhyw gyflenwyr lleol yn gallu darparu'r nwyddau, gwasanaethau neu'r gweithiau sy'n cael eu caffael. Fodd bynnag, bydd modd i bob cyflenwr weld y cyfleoedd hyn ar wefan Gwerthwch i Gymru. Os bydd y gwerth dros y trothwy Cyfarwydddeb Caffael Ewropeaidd perthnasol, caiff ei hysbysebu yn yr OJEU hefyd.

Mae'r Cyngor yn ymgymryd â'i ymarferion tendro yn electronig gan ddefnyddio porthol e-dendro Cymru a gymeradwywyd gan Lywodraeth Cymru. Er mwyn bod mewn sefyllfa i ymateb i gyfleoedd tendro electronig gyda Chyngor Sir Penfro, sicrhewch fod eich sefydliad wedi'i gofrestru ar www.gwerthwchigymru.llyw.cymru. Bydd ein holl gyfleoedd tendro'n cynnwys dolenn i'r porthol e-dendro <https://etenderwales.bravosolution.co.uk>. Efallai bydd cofrestru'n uniongyrchol ar y wefan hon o fudd i chi hefyd.

Cliciwch yma i weld [Crynodeb o Fandiau Gwerth y Cyngor](#) a lle caiff y cyfleoedd hynny eu hysbysebu.

Mae Cyngor Sir Penfro'n gweithredu gwasanaeth caffael ar y cyd gyda Chyngor Sir Gâr ac mae ganddyn nhw bwynt cyswllt penodedig a all ateb unrhyw ymholiadau a'ch cynorthwyo wrth dendro. Os oes gennych chi unrhyw gwestiynau am y canllaw hwn neu'r wybodaeth am dendro a chontractau ar ein gwefan, cysylltwch â Kim Baker ar KBaker@carmarthenshire.gov.uk neu 01267 246241. Mae gan yr Awdurdod un o'r canrannau gwariant caffael lleol uchaf yng Nghymru.

Efallai gall y dolenni canlynol eich helpu wrth dendro ar gyfer gwaith y Cyngor:

- [Pethau i'w gwneud a pheidio eu gwneud wrth dendro](#)
- [Cwestiynau Cyffredin](#)
- [Terminoleg Caffael](#)

Bwrdd Iechyd Prifysgol Lleol Hywel Dda

1. Contractau nad oes angen eu hysbysebu

Fel rheol, nid yw'r Bwrdd Iechyd yn hysbysebu unrhyw gyfleoedd contract sydd â gwerth is na £25,000. Fodd bynnag, i sicrhau cystadleuaeth deg a digonol, caiff lleiafswm o dri chwmni eu gwahodd i roi dyfynbris am dendr ar gyfer contractau rhwng £5,000 a £24,999.

2. Contractau y mae angen eu hysbysebu

Caiff yr holl gontractau sydd uwchlaw trothwy'r UE eu hysbysebu ar www.gwerthwchigymru.llyw.cymru a'u hysbysebu yn yr OJEU.

Gellir gofyn am ragor o fanylion am Reoliadau Caffael y Bwrdd Iechyd gan yr Adran Gaffael (gweler Atodiad 1 am fanylion cyswllt).

Mae'r Gwasanaeth Caffael a gyflenwir gan y Bwrdd Iechyd yn cael ei ddarparu gan Bartneriaeth Cydwasanaethau GIG Cymru. Mae'r sefydliad hwn yn darparu gwasanaeth rheoli deunyddiau a negodi contractau ar gyfer cynhyrchion a gwasanaethau sy'n ymwneud â chydweithrediad â'r GIG. Trwy gydlyn gofynion yr holl Fyrddau Iechyd yng Nghymru, mae modd iddynt negodi contractau sy'n ceisio manteisio'n llawn ar bŵer prynu er budd pawb sydd ynghlwm.

Mae Timau Cyrchu PCGC yn darparu amrywiaeth o gontractau, o ffrwythau a llysiau i drydan a nwyon meddygol, sy'n bodloni anghenion Byrddau Iechyd yng Nghymru.

Parc Cenedlaethol Arfordir Penfro

1. Contractau nad oes angen eu hysbysebu

Fel rheol, nid yw'r Parc Cenedlaethol yn hysbysebu unrhyw gyfleoedd contract sydd â gwerth is na £25,000. Os yw'r gofyniad werth £10,000 neu uwch, mae lleiafswm o 3 dyfynbris yn cael eu sicrhau fel arfer.

2. Contractau y mae angen eu hysbysebu

Mae pob contract sydd â gwerth dros £25,000 yn cael ei hysbysebu ar www.gwerthwchigymru.llyw.cymru

Coleg Sir Benfro

1. Contractau nad oes angen eu hysbysebu

Ar gyfer gofynion sydd â gwerth o £1,000 neu uwch, gofynnir am leiafswm o 3 dyfynbris fel arfer. Mae'r coleg yn defnyddio cyfleuster blwch postio electronig www.gwerthwchigymru.llyw.cymru ar gyfer llawer o geisiadau ac ymarferion tendro. Caiff pob tendr ei hysbysebu ar www.gwerthwchigymru.llyw.cymru ar gyfer eitemau gwerth isel, yn enwedig y rhai dan £1,000, a'r dull talu y mae'r Coleg yn ei ffafrio yw Cerdyn Prynu.

2. Contractau y mae angen eu hysbysebu

Fel arfer, caiff yr holl gontractau sydd uwchlaw trothwy'r UE eu hysbysebu ar

www.gwerthwchigymru.llyw.cymru a'u hysbysebu yn yr OJEU.

Mae'r Coleg yn ymgymryd â'i ymarferion tendro'n electronig gan ddefnyddio porthol e-dendro Cymru sydd wedi'i gymeradwyo gan Lywodraeth Cymru. Er mwyn bod mewn sefyllfa i ymateb i gyfleoedd tendro electronig gyda Choleg Sir Benfro, sicrhewch fod eich sefydliad wedi cofrestru ar www.gwerthwchigymru.llyw.cymru. Bydd ein holl gyfleoedd tendro'n cynnwys dolen i'r porthol e-dendro <https://etenderwales.bravosolution.co.uk>. Hefyd, efallai byddai cofrestru'n uniongyrchol ar y wefan hon yn ddefnyddiol.

Mae'r Coleg yn cymryd rhan mewn caffael cydweithredol yn y sector Addysg Bellach trwy'r Crescent Purchasing Consortium.

Mae'r Consortiwm yn tendro ar gyfer nwyddau a gwasanaethau sy'n rhan greiddiol o'r rhan fwyaf o golegau.

Grŵp Ateb

1. Contractau nad oes angen eu hysbysebu

Nid yw Grŵp Ateb yn hysbysebu cyfleoedd contract sydd â gwerth llai na £25,000. Os caiff y contract ei brisio yn uwch na £5,000, mae angen hyd at ddau ddyfynbris ysgrifenedig fel arfer. Ar gyfer eitemau â gwerth is na £5,000, mae angen lleiafswm o un dyfynbris, ond rhaid iddo ddangos gwerth am arian.

2. Contractau y mae angen eu hysbysebu

Bydd yr holl contractau sydd â gwerth dros £25,000 yn cael eu hysbysebu ar www.gwerthwchigymru.llyw.cymru, ac eithrio os byddant yn cael eu caffael o fewn telerau fframwaith presennol, neu os oes natur arbenigol iddynt. Os yw'r gwerth yn uwch na throthwy perthnasol y Gyfarwydddeb Caffael Ewropeaidd, bydd yn cael ei hysbysebu yn yr OJEU hefyd. Mae'r Grŵp yn ymgymryd â'r holl ymarferion tendro sydd â gwerth dros £25,000 yn electronig, gan ddefnyddio porthol e-dendro Cymru a gymeradwywyd gan Lywodraeth Cymru.

Mae Ateb Group yn ymgymryd â'i ymarferion tendro'n electronig gan ddefnyddio porthol e-dendro Cymru a gymeradwywyd gan Lywodraeth Cymru. Er mwyn bod mewn sefyllfa i ymateb i gyfleoedd tendro electronig gydag Ateb, sicrhewch fod eich sefydliad wedi cofrestru ar www.gwerthwchigymru.llyw.cymru. Bydd ein holl gyfleoedd tendro'n cynnwys dolen i'r porthol e-dendro <https://etenderwales.bravosolution.co.uk>. Hefyd, efallai byddai cofrestru'n uniongyrchol ar y wefan hon yn ddefnyddiol.

Am ragor o wybodaeth, cliciwch yma i fynd i'r wefan <https://www.atebgroup.co.uk/>

SUT I DENDRO NEU DDOD YN GYFLENWR CYMERADWY

Mae tendrau sy'n cael eu hysbysebu fel arfer yn dilyn gweithdrefn Agored neu Gyfyngedig.

Mae gweithdrefn **Tendr Agored** yn golygu bod unrhyw gwmni sydd wedi dangos diddordeb mewn tendr yn gallu cael mynediad at y Dogfennau Gwahoddiad i Dendro yn awtomatig, a chyflwyno tendr. Yna, bydd y wybodaeth hon yn cael ei hystyried ynghyd â'ch cynnig tendro. I gael eich cynnwys ar restr gymeradwy o gyflenwyr, bydd angen i chi gymryd rhan mewn proses asesu hefyd.

Mae gweithdrefn **Tendr Cyfyngedig** yn golygu bod angen i unrhyw gwmni sydd wedi dangos diddordeb mewn tendr naill ai lenwi Holiadur Cyn-gymhwyso neu gymryd rhan yng nghanam Cymhwyso'r broses e-dendro. Defnyddir y cwestiynau Cymhwyso hyn i asesu eich addasrwydd i dendro trwy werthuso meini prawf fel eich sefyllfa economaidd ac ariannol, yn ogystal â'ch gallu technegol a phroffesiynol i ddarparu'r nwyddau, gwasanaethau neu waith. Yn dilyn y gwerthuso dechreuol, bydd y cyfranogwyr ar y rhestr fer yn cael eu gwahodd i dendro, ac felly'n gallu cael mynediad at yr holl ddogfennau tendro. Fel arfer, bydd y trefniadau hyn yn cael eu defnyddio pan ddisgwylir lefel uchel o ddiddordeb mewn gofyniad penodol.

Lle bo'n bosibl, rydym yn defnyddio cronfa sylfaenol o gwestiynau sydd wedi'u hargymell gan uned Polisi Caffael Llywodraeth Cymru (Gwerth Cymru).

Fel arfer, mae'r broses asesu'n cwmpasu'r meysydd canlynol:

Hygyrchedd y Cyflenwr	Gwybodaeth sylfaenol am eich cwmni a'ch enw da (gallai gynnwys manylion y canolwyr hefyd)
Sefyllfa Economaidd ac Ariannol	Gofynnir i chi ddarparu gwybodaeth ariannol gyffredinol, eich rhif DUNS neu gyfrifon wedi'u harchwilio a manylion yswiriant perthnasol. Rhaid i chi fod ag Yswiriant Atebolrwydd Cyhoeddus ac Yswiriant Atebolrwydd Cyflogwr os yw'n berthnasol. Gan ddibynnu ar natur y contract, efallai y bydd angen Atebolrwydd Cynnyrch a/neu Indemniad Proffesiynol arnoch.
Gallu a Chymhwysedd	Gofynnir i chi roi manylion am eich prif weithgareddau busnes ac enghreifftiau o brofiad perthnasol. Efallai gofynnir i chi p'un a ydych yn bodloni safonau fel Mesur y Gymraeg.
Rheoli	Gofynnir i chi roi manylion unrhyw System Rheoli Ansawdd rydych yn ei gweithredu, Safonau Amgylcheddol yr ydych yn eu bodloni a sut rydych yn adolygu eich perfformiad.
Cyfle Cyfartal	Gofynnir i chi a ydych yn cydymffurfio â deddfwriaeth cydraddoldeb, fel Deddf Cysylltiadau Hiliol (Diwygio) 2000 a Deddf Gwahaniaethu ar Sail Anabledd 1995.
Iechyd a Diogelwch	Eich trefniadau lechyd a Diogelwch, gan gynnwys eich Polisi lechyd a Diogelwch os ydych chi'n cyflogi mwy na phum person.
Cynaliadwyedd	Efallai y gofynnir cwestiynau i chi am ymrwymiad eich cwmni i faterion amgylcheddol.

DOGFENNAU TENDRO

Fel arfer, mae'r dogfennau tendro'n cynnwys y wybodaeth ganlynol:-

- cyfarwyddiadau i ddogfennau prisio i'r sawl sy'n tendro
- manyleb o'r math o dendr
- darluniadau (os yw'n berthnasol) a thelerau ac amodau'r contract
- datganiad o ddull (os yw'n berthnasol)
- unrhyw wybodaeth ategol berthnasol
- y sail y bydd eich cynnig yn cael ei werthuso arni

Er bod dogfennau tendro'n weddol fanwl, ni fwriedir iddynt eich darbwyllo rhag tendro am fusnes. Os oes gennych chi unrhyw ymholiadau am y dogfennau, peidiwch ag ofni gofyn am help neu arweiniad gan ddefnyddio'r manylion cyswllt sydd yn y dogfennau tendro.

Gofynnir i chi lenwi a dychwelyd eich dogfennau tendro yn electronig erbyn amser a dyddiad a roddir i chi. Mae'r dogfennau tendro'n cael eu hagor ar yr un pryd ar ôl dyddiad dychwelyd y tendr. Os na fyddwch yn llwyddo i ddychwelyd eich dogfennau tendro erbyn y dyddiad cau a benodwyd, bydd eich tendr yn cael ei ddileu o'r broses werthuso. Gadewch ddigon o amser i gwblhau eich cynnig. PEIDIWCH AG AROS TAN Y FUNUD OLAF CYN CYFLWYNO EICH CYNNIG.

Mae mwy a mwy o dendrau a dyfynbrisiau yn y sector cyhoeddus (gan gynnwys Cyngor Sir Penfro) yn cael eu cynnal yn electronig, gyda dogfennau'n cael eu rhoi ar-lein ac yn cael eu dychwelyd yn electronig. Os na allwch wneud busnes yn y ffordd hon, dylech ystyried y peth o ddifrif. Os oes angen cymorth arnoch, cysylltwch â'r corff caffael perthnasol neu eich cyswllt Busnes Cymru Lleol. Mae tîm Busnes Cymru Llywodraeth Cymru'n cynnig cymorth rhad ac am ddim i helpu cyflenwyr i dendro am gcontractau yn y sector cyhoeddus yng Nghymru.

<https://businesswales.gov.wales/sell2wales-selling-public-sector-0>, neu'r llinell gymorth ar 03000603000

GWERTHUSO TENDR

Fel arfer, caiff dendrau eu gwerthuso gan o leiaf un swyddog Caffael ac un swyddog o'r Gwasanaeth perthnasol, i sicrhau bod y broses yn deg ac yn dryloyw. Fel arfer, dyfernir contractau ar sail Tendr Mwyaf Manteisiol yn Economaidd, sy'n cael ei asesu ar sail cyfuniad o ansawdd a phris, ac mae'r ddau ohonynt yn cael eu pwysoli i gyd-fynd â'r gofyniad penodol, e.e. 60% ansawdd; 40% pris. Caiff hyn ei nodi yn y dogfennau Gwahoddiad i Dendro/Dyfynbris, ynghyd â'r meini prawf ansawdd, sy'n cael eu pwysoli yn ôl pwysigrwydd. Caiff unrhyw leiafswm trothwy pasio eu nodi'n glir fel arfer hefyd.

DYFARNU'R CONTRACT

Bydd y sawl sy'n tendro'n llwyddiannus ac yn aflwyddiannus yn cael eu hysbysu'n ysgrifenedig am y penderfyniad dyfarnu. Os bydd gwerth y caffael yn datgan hynny, bydd Cyfarwydddebau Caffael yr Undeb Ewropeaidd yn berthnasol. Yna, bydd yr hysbysiad dyfarnu dechreuol yn destun cyfnod segur o 10 diwrnod calendr. Os bydd eich cynnig yn aflwyddiannus, bydd yr hysbysiad yn cynnwys y meini prawf dyfarnu, eich sgôr chi a sgôr y sawl sydd wedi ennill y tendr, ynghyd â manteision ac anfanteision eich cynnig o gymharu â'r sawl sydd wedi tendro'n llwyddiannus.

GOFYN AM ADBORTH

Os byddwch yn aflwyddiannus, ac yr hoffech gael adborth, dylech gysylltu â'r swyddog a fanylir yn y dogfennau tendro. Bydd modd iddo/iddi esbonio pam oedd eich tendr yn aflwyddiannus, a darparu rhywfaint o gyngor ynghylch sut gallech wella eich siawns o lwyddo yn y dyfodol.

TALU

Mae gan yr holl bartneriaid dargedau talu prydlon, ac maen nhw'n ymrwymo i dalu pob anfoneb ddiamheuol o fewn 30 diwrnod, neu 10 diwrnod lle bo'n briodol, ar ôl eu derbyn, neu'n gynt os bydd hynny'n cael ei fanylu yn y contract. Math arall o dalu yw gyda'r Cerdyn Prynu.

CERDYN PRYNU CYMRU

Mae Cerdyn Prynu Cymru'n gerdyn talu sy'n cael ei ddefnyddio gan nifer o gyrff yn y sector cyhoeddus yng Nghymru fel y dull talu o'u dewis ar gyfer llawer o nwyddau/gwasanaethau gwerth isel.

Mae gan y cyrff sector cyhoeddus canlynol yn Sir Benfro raglen Cerdyn Prynu:

Cyngor Sir Benfro

Bwrdd Iechyd Prifysgol Lleol Hywel Dda

Coleg Sir Benfro

Parc Cenedlaethol Arfordir Penfro

Grŵp Ateb

I ymuno â'r Rhaglen Cerdyn Prynu, bydd angen i'ch busnes allu derbyn trafodiadau Cerdyn Prynu a bod yn TAW-alluog, naill ai ar lefel crynodeb neu fanylyn eitem llinell.

Efallai y bydd cyflenwyr nad ydynt yn gallu derbyn taliad trwy'r dull hwn dan anfantais wrth ennill cyfleoedd i gyflenwi nwyddau/gwasanaethau, gan fod angen y cyfleuster hwn ar rai contractau, yn enwedig rhai sy'n cynhyrchu nifer uchel o drafodiadau.

Atodiad 1

CYSYLLTIADAU

Cyngor Sir Penfro

Gwasanaeth Caffael
Neuadd y Sir, Hwlfordd
Sir Benfro SA61 1TP

PRIFYRDD A THRAFNIDIAETH

MANYLION CYSWLLT	SWYDDOGAETH
Nigel Morgan 01437 77 5905 nigel.morgan@pembrokeshire.gov.uk Jennie Maughan 01267 246298 JAMaughan@carmarthenshire.gov.uk	Am gyngor cyffredinol ac arweiniad ar lenwi dogfennau tendro, am wybodaeth am gontractau neu weithdrefnau tendro neu am help i ddeall amodau'r contract. Cymorth yn ymwneud ag unrhyw ymholiad penodol yn unrhyw un o'r categorïau uchod.

ADEILADU A GWASTRAFF

MANYLION CYSWLLT	SWYDDOGAETH
Gemma Clutterbuck 01267 246235 GLClutterbuck@carmarthenshire.gov.uk Sian Kerrison 01437 775906 Sian.kerrison@pembrokeshire.gov.uk Mathew Hughes 01267 246261 MaHughes@carmarthenshire.gov.uk	Am gyngor cyffredinol ac arweiniad ar lenwi dogfennau tendro, am wybodaeth am gontractau neu weithdrefnau tendro neu am help i ddeall amodau'r contract. Cymorth yn ymwneud ag unrhyw ymholiad penodol yn unrhyw un o'r categorïau uchod.

GOFAL CYMDEITHASOL

MANYLION CYSWLLT	SWYDDOGAETH
Sian Griffiths 01267 246238 SGriffiths@carmarthenshire.gov.uk Roxanne Kehoe 01437 775578 Roxanne.kehoe@pembrokeshire.gov.uk	Am gyngor cyffredinol ac arweiniad ar lenwi dogfennau tendro, am wybodaeth am gontractau neu weithdrefnau tendro neu am help i ddeall amodau'r contract. Cymorth yn ymwneud ag unrhyw ymholiad penodol yn unrhyw un o'r categorïau uchod.

CORFFORAETHOL A TGCH

MANYLION CYSWLLT	SWYDDOGAETH
Julian Lewis 01267 246242 JulianLewis@carmarthenshire.gov.uk Chris Davies 01437 775906 ChDDavies@carmarthenshire.gov.uk Donna Barker 01437 771814 Donna.barker@pembrokeshire.gov.uk	Am gyngor cyffredinol ac arweiniad ar lenwi dogfennau tendro, am wybodaeth am gontractau neu weithdrefnau tendro neu am help i ddeall amodau'r contract. Cymorth yn ymwneud ag unrhyw ymholiad penodol yn unrhyw un o'r categorïau uchod.

CYNNAL A CHADW ADEILADAU A RHEOLI CYFLEUSTERAU

MANYLION CYSWLLT	SWYDDOGAETH
Diane Hughes 01437 775640 Diane.hughes@pembrokeshire.gov.uk Mathew Griffiths 01437 775908 Mathew.griffiths@pembrokeshire.gov.uk Mathew Hughes 01267 246261 MaHughes@carmarthenshire.gov.uk	Am gyngor cyffredinol ac arweiniad ar lenwi dogfennau tendro, am wybodaeth am gontractau neu weithdrefnau tendro neu am help i ddeall amodau'r contract. Cymorth yn ymwneud ag unrhyw ymholiad penodol yn unrhyw un o'r categorïau uchod.

BUDDION CYMUNEDOL

MANYLION CYSWLLT	SWYDDOGAETH
Stephen Barnett 01437 775598 stephen.barnett@pembrokeshire.gov.uk	Darparu cyngor a chymorth i gontractwyr a chontractwyr posibl ar gasglu a chyflwyno eu datganiadau dulliau buddion cymunedol.

BWRDD IECHYD PRIFYSGOL LLEOL HYWEL DDA

CYSYLLTIADAU YN YR ADRAN GAFFAEL

Ysbyty Cyffredinol Llwynhelyg
Fishguard Road
Hwlfordd
Sir Benfro, SA61 2PZ

Ysbyty Cyffredinol Glangwili
Caerfyrddin
Sir Gaerfyrddin
SA31 2AF

Katharine Fletcher Tîm Caffael Katharine.fletcher@wales.nhs.uk Tel no 01267227636	Am gyngor cyffredinol ac arweiniad neu ymholiadau a phroblemau wrth lenwi eich holiadur i ddogfennau tendro, a gwybodaeth am gontractau neu weithdrefnau tendro neu am help i ddeall amodau'r contract.
---	--

ATEB

CYSYLLTIADAU CYFFREDINOL

Cyllid a TGCh, Meyler House,
St. Thomas Green, Hwlfordd,
Sir Benfro, SA61 1QP

Judith Arnold ateb Group Ltd Rheolwr Caffael 01437 774764 Judith.arnold@atebgroup.co.uk	Am gyngor cyffredinol ac arweiniad neu ymholiadau a phroblemau wrth lenwi eich holiadur i ddogfennau tendro, a gwybodaeth am gontractau neu weithdrefnau tendro neu am help i ddeall amodau'r contract.
Scott Nash West Wales Care & Repair Ltd Swyddog Technegol	Am gyngor ac arweiniad o ran gwaith Addasiadau Anabled mewn perthynas â West Wales Care and Repair Ltd

CYSYLLTIADAU YNG NGHOLEG SIR BENFRO

Yr Adran Gyllid
Hwlfordd
Sir Benfro SA61 1SZ

Donna Barker Rheolwr Caffael a Thendro 01437 753264 procurement@pembrokeshire.ac.uk	Am gyngor cyffredinol ac arweiniad neu ymholiadau a phroblemau wrth lenwi eich holiadur i ddogfennau tendro, a gwybodaeth am gontractau neu weithdrefnau tendro neu am help i ddeall amodau'r contract.
---	--

CYSYLLTIADAU PARC CENEDLAETHOL ARFORDIR PENFRO

Yr Adran Gyllid

Parc Llanion, Doc Penfro
Sir Benfro SA72 6DY

Richard Griffiths 01646 624815 richardg@pembrokeshirecoast.org.uk	Am gyngor cyffredinol ac arweiniad neu ymholiadau a phroblemau wrth lenwi eich holiadur i ddogfennau tendro, am wybodaeth am gontractau neu weithdrefnau tendro neu am help i ddeall amodau'r contract.
---	---